## 0.0.1 cūļasīhanādasuttam

- 1. evam me sutam: ekam samayam bhagavā sāvatthiyam viharati jetavane anāthapindikassa ārāme. tatra kho bhagavā bhikkhū āmantesi: bhikkhavoti. bhadanteti te bhikkhū bhagavato paccassosum, bhagavā etadavoca:
- 2. idheva bhikkhave samaṇo, idha dutiyo samaṇo, idha tatiyo samaṇo, idha catuttho samaṇo, suññā parappavādā samaṇehi aññeti¹. evameva² bhikkhave sammā sīhanādaṃ nadatha. ṭhānaṃ kho panetaṃ bhikkhave vijjati yaṃ idha aññatitthiyā paribbājakā evaṃ vadeyyuṃ: ko panāyasmantānaṃ assāso? kiṃ balaṃ? yena tumhe āyasmanto³ evaṃ vadetha: idheva samaṇo, idha dutiyo samaṇo, idha tatiyo samaṇo, idha catuttho samaṇo suññā parappavādā samaṇehi aññe'ti.
- 3. evam vādino bhikkhave aññatitthiyā paribbājakā evamassu vacanīyā: atthi kho no āvuso tena bhagavatā jānatā passatā arahatā sammāsambuddhena cattāro dhammā akkhātā ye mayam attani sampassamānā evam vadema: 'idheva samaņo, idha dutiyo samaņo, idha tatiyo samaņo, idha catuttho samaņo, suññā parappavādā samaņehi aññe'ti. katame cattāro? atthi

pts page 064

<sup>&</sup>lt;sup>1</sup>'aññehīti' (syā, machasaṃ)

²'evamevam' (sīmu)

<sup>&</sup>lt;sup>3</sup>'āyasmanto attani sampassamānā' (syā)

bjt page 156

kho no āvuso satthari pasādo. atthi dhamme pasādo. atthi sīlesu paripūrakāritā sahadhammikā kho pana piyā<sup>4</sup> manāpā gahaṭṭhā ceva pabbajitā ca. ime kho no āvuso tena bhagavatā jānatā passatā arahatā sammāsambuddhena cattāro dhammā akkhātā ye mayam attani sampassamānā evam vadema: 'idheva samaņo, idha dutiyo samaņo, idha tatiyo samaņo, idha catuttho samaņo, suññā parappavādā samaņehi aññe'ti.

- 4. ṭhānaṃ kho panetaṃ bhikkhave vijjati yaṃ aññatitthiyā paribbājakā evaṃ vadeyyuṃ: amhākampi kho āvuso atthi satthari pasādo yo amhākaṃ satthā. amhākampi atthi dhamme pasādo yo amhākaṃ dhammo. mayampi sīlesu paripūrakārino yāni amhākaṃ sīlāni. amhākampi sahadhammikā piyā manāpā gahaṭṭhā ceva pabbajitā ca. idha no āvuso ko viseso ko adhippāyo⁵ kiṃ nānākaraṇaṃ yadidaṃ tumhākañceva amhākañcāti.
- 5. evam vādino bhikkhave aññatitthiyā paribbājakā evamassu vacanīyā: kimpanāvuso ekā niṭṭhā? udāhu puthu tiṭṭhā'ti? sammā vyākaramānā bhikkhave aññatitthiyā paribbājakā evam vyākareyyum: ekā hāvuso niṭṭhā, na puthu niṭṭhā'ti.
- **6.** sā panāvuso niţţhā sarāgassa? udāhu vītarāgassati? sammā vyākaramānā bhikkhave aññatitthiyā pa-

<sup>5</sup>adhippāyaso, atthakathā

<sup>&</sup>lt;sup>4</sup>no piyā, (pts)

ribbājakā evam vyākarevyum: vītarāgassāvuso sā nitthā, na sā nitthā sarāgassāti.

sā panāvuso nitthā sadosassa? udāhu vītadosassāti? sammā vyākaramānā bhikkhave aññatitthiyā paribbājakā evam vyākarevyum: vītadosassāvuso sā nitthā, na sā nitthā sadosassāti.

sā panāvuso nitthā samohassa? udāhu vītamohassāti? sammā vyākaramānā bhikkhave aññatitthiyā paribbājakā evam vyākareyyum: vītamohassāvuso sā nitthā, na sā nitthā samohassāti.

sā panāvuso nitthā satanhassa? udāhu vītatanhassāti? sammā vyākaramānā bhikkhave aññatitthiyā paribbājakā evam vyākarevyum: vītatanhassāvuso sā nitthā, na sā nitthā satanhassāti.

sā panāvuso niţţhā saupādānassa? udāhu anupādānassāti? sammā vyākaramānā bhikkhave aññatitthivā paribbājakā evam vyākareyyum: anupādānassāvuso sā niţţhā, na sā niţţhā saupādānassāti.

sā panāvuso nitthā viddasuno? udāhu aviddasuno'ti? sammā vyākaramānā bhikkhave aññatitthiyā paribbājakā evam vyākareyyum: viddasuno āvuso sā nitthā, na sā nitthā aviddasuno'ti.

pts page 065

bit page 158

sā panāvuso niţţhā anuruddhapaţiviruddhassa? udāhu ananuruddha appaţiviruddhassāti? sammā vyākaramānā bhikkhave aññatitthiyā paribbājakā evam vyākareyyum: ananuruddhaappaţiviruddhassāvuso sā niţţhā, na sā niţţhā anuruddhapaţiviruddhassāti.

sā panāvuso niṭṭhā papañcārāmassa papañcaratino? udāhu nippapañcārāmassa nippapañcaratino?'ti. sammā vyākaramānā bhikkhave aññatitthiyā paribbājakā evaṃ vyākareyyuṃ: nippapañcārāmassāvuso sā niṭṭhā nippapañcaratino papañcaratino. na sā niṭṭhā papañcārāmassa papañcaratino "ti.

7. dvemā bhikkhave diţţhiyo: bhavadiţţhi ca vibhavadiţţhi ca. ye hi ke ci bhikkhave samaṇā vā brāhmaṇā vā bhavadiţţhim allīnā bhavadiţţhim upagatā bhavadiţthim ajjhositā, vibhavadiţţhiyā te paţiviruddhā. ye hi ke ci bhikkhave samaṇā vā brāhmaṇā vā vibhavadiţţhim ajjhositā, bhavadiţţhim upallīgatā vibhavadiţţhim ajjhositā, bhavadiţţhiyā te paţiviruddhā. ye hi ke ci bhikkhave samaṇā vā brāhmaṇā vā imāsaṃ dvinnaṃ diţthīnaṃ samudayañca atthagamañca assādañca ādīnavañca nissaraṇañca yathābhūtaṃ nappajānanti, te sarāgā te sadosā te samohā te sataṇhā te saupādānā te aviddasuno te anuruddhapaţiviruddhā te papañcaratino te na parimuccanti jātiyā jarāya maraṇena sokehi paridevehi dukkhehi domanassehi upāyāsehi<sup>6</sup>. na

<sup>&</sup>lt;sup>6</sup>'jarāmaraṇena sokaparideva dukkhadomanassupāyāsehi' (syā); 'jarāmaraṇena' (si)

parimuccanti dukkhasmāti vadāmi.

8. ye ca kho keci<sup>7</sup> bhikkhave samaṇā vā brāhmaṇā vā imāsaṃ dvinnaṃ diṭṭhīnaṃ samudayañca atthagamañca<sup>8</sup> assādañca ādīnavañca nissaraṇañca yathābhūtaṃ pajānanti, te vītarāgā te vītadosā te vītamohā te vītataṇhā te anupādānā te viddasuno te ananuruddhaappaṭiviruddhā te nippapañcārāmā nippapañcaratino te parimuccanti jātiyā jarāya maraṇena sokehi paridevehi dukkhehi domanassehi upāyāsehi. parimuccanti dukkhasmāti yadāmi.

cattārimāni bhikkhave upādānāni. katamāni cattāri? kāmūpādānam diţţhūpādānam sīlabbatūpādānam attavādūpādānam. santi bhikkhave eke samanabrāhmanā sabbūpādānapariññāvādā paţijānamānā te na sammā sabbūpādānapariññam paññāpenti. kāmūpādānassa pariññam paññāpenti na diţṭhūpādānassa pariññam paññāpenti. na sīlabbatūpādānassa pariññam paññāpenti. tam kissa hetu? imāni hi te bhonto samanabrāhmanā tīṇi ṭhānāni yathābhūtam nappajānanti. tasmā te bhonto samanabrāhmanā sabbūpādānapariññam paññāpenti. kāmūpādānassa pariññam paññāpenti. kāmūpādānassa pariññam paññāpenti.

bjt page 160

<sup>&</sup>lt;sup>7</sup>ye ca keci samaṇā cā, (sī)

<sup>&</sup>lt;sup>8</sup>'atthaṅgamañca', (machasaṃ, syā)

pts page 066

<sup>&</sup>lt;sup>9</sup>'paññapenti' (machasam)

nassa pariññam paññapenti. na sīlabbatūpādānassa pariñnam paññapenti. na attavadupadanassa pariññam pariññapenti.

- santi bhikkhave eke samanabrāhmaņā sabbūpādānapariññāvādā paţijānamānā te na sammā sabbūpādānapariñnam pañnāpenti. kāmūpādānassa pariññam paññapenti. ditthūpādanassa pariññam paññapenti. na sīlabbatupādānassa pariñnam pannāpenti. na attavādūpādānassa pariññam paññāpenti. tam kissa hetu? imāni hi te bhonto samanabrāhmanā dve thānāni yathābhūtam nappajānanti. tasmā te bhonto samanabrāhmanā sabbūpādānapariññāvādā patijānamānā te na sammā sabbūpādāna<sup>10</sup> pariññam paññāpenti. kāmūpādānassa pariñnam pannāpenti. ditthūpādānassa pariñnam paññapenti. na sīlabbatupādānassa pariññam paññapenti. na attavādūpādānassa pariñnam paññāpenti.
- santi bhikkhave eke samanabrāhmanā sabbūpādānapariññāvādā patijānamānā te na sammā sabbūpādāna pariñnam pañnāpenti. kāmūpādānassa pariññam paññapenti. ditthūpādānassa pariññam paññapenti. sīlabbatupādānassa pariññam paññāpenti. na attavādūpādānassa pariñnam pannāpenti. tam kissa hetu? imam hi te bhonto samanabrāhmaņā ekam thānam yathābhūtam nappajānanti. tasmā te bhonto samanabrāhmanā sabbūpādānapariñnāvādā patijānamānā

<sup>&</sup>lt;sup>10</sup>'sabbupādānassa', (syā)

te na sammā sabbūpādāna pariññam paññāpenti. kāmupādānassa pariññam paññāpenti diţţhūpādānassa pariññam paññāpenti. sīlabbatupādānassa pariññam paññāpenti. na attavādūpādānassa pariññam paññāpenti.

- 12. evarūpe kho bhikkhave dhammavinaye yo satthari pasādo, so na sammaggato akkhāyati. yo dhamme pasādo, so na sammaggato akkhāyati. yā sīlesu paripūrakāritā, sā na sammaggatā akkhāyati. yā sahadhammikesu piyamanāpatā, sā na sammaggatā akkhāyati. taṃ kissa hetu: evaṃ hetaṃ bhikkhave hoti yathā taṃ durakkhāte dhammavinaye duppavedite aniyyānike anupasamasaṃvattanike asammāsambuddhappavedite.
- 13. tathāgato ca kho bhikkhave araham sammāsambuddho sabbūpādānapariññāvādo paţijānamāno sammā sabbūpādānapariññam paññāpeti. kāmūpādānassa pariññam paññāpeti. sīlabbatūpādānassa pariññam paññāpeti. attavādūpādānassa pariññam paññāpeti.
- 14. evarūpe kho bhikkhave dhammavinaye yo satthari pasādo, so sammaggato akkhāyati. yo dhamme pasādo, so sammaggato akkhāyati. yā sīlesu paripūrakāritā, sā sammaggatā akkhāyati. yā sahadhammikesu piyamanāpatā, sā sammaggatā akkhāyati. taṃ kissa

hetu: evam hetam bhikkhave hoti yathā tam svākkhāte dhammavinaye suppavedite niyyānike upasamasamvattanike sammāsambuddhappavedite.

ime ca bhikkhave cattāro upādānā kimnidānā? kiṃsamudayā? kiṃjātikā? kiṃpabhavā? ime cattāro upādānā tanhānidānā tanhāsamudavā tanhājātikā tanhāpabhavā, tanhā cāyam bhikkhave kimnidānā? kimsamudayā? kimjātikā? kimpabhavā? tanhā vedanānidānā vedanāsamudayā vedanājātikā vedanāpabhavā. vedanā cāyam bhikkhave kimnidānā? kimsamudayā? kimjātikā? kimpabhavā? vedanā phassanidānā phassasamudayā phassajātikā phassapabhavā. phasso cāvam bhikkhave kim nidano? kimsamudayo? kimjatiko? kimpabhavo? phasso salāvatananidāno salāvatanasamudayo. salayatanajatiko salayatanapabhavo. salāyatanañcidam bhikkhave kimnidānam? kimsamudayam? kimjātikam? kimpabhavam? saļāyatanam nāmarūpanidānam nāmarūpasamudavam nāmarūpajātikam nāmarūpapabhavam. nāmarūpañcidam bhikkhave kimnidānam? kimsamudayam? kimjātikam? kimpabhavam? nāmarūpam viññānanidānam viññānasamudayam viññānajātikam viññānapabhavam. viññānañcidam bhikkhave kimnidānam? kimsamudayam? kimjātikam? kimpabhavam? viññānam sankhāranidānam sankhārasamudayam sankhārajātikam sankhārapabhavam. sankhārācime bhikkhave kimnidānā? kimsamudayā? kimjātikā? kimpabhavā? sankhārā avijjānidānā avijjāsamudayā avijjājātikā avijjāpabhavā.

bjt page 164

16. yato ca kho bhikkhave bhikkhuno avijjā pahīṇā hoti vijjā uppannā. so avijjāvirāgā vijjuppādā neva kāmūpādānaṃ upādiyati. na ditthūpādānaṃ upādiyati. na attavādupādānaṃ upādiyati. na attavādupādānaṃ upādiyati. anupādiyam na paritassati. aparitassam paccattaṃyeva parinibbāyati. khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyāti pajānātīti.

idamavoca bhagavā. attamanā te bhikkhū bhagavato bhāsitam abhinandunti.